



Na osnovu člana 27. Odluke o načinu držanja i zaštiti pasa i mačaka kao kućnih ljubimaca i napuštenih i izgubljenih pasa („Službeni glasnik Grada Bihaća“, broj: 02/22, 04/22) i Pravilnika o sufinanciranju pravnih lica koja su registrirana za zaštitu i dobrobit životinja („Službeni glasnik Grada Bihaća“, broj: 04/22), gradonačelnik Grada Bihaća raspisuje

**JAVNI POZIV**  
**za prijavu projekata za sufinanciranje pravnih lica za zbrinjavanje pasa litalica**  
**za 2022. godinu**

### **1. PREDMET JAVNOG POZIVA**

Predmet Javnog poziva je prikupljanje prijave projekata za prijavu projekata za sufinanciranje pravnih lica za zbrinjavanje pasa litalica za 2022. godinu.

Svrha i cilj ovog javnog poziva je da se smanji broj pasa litalica na području grada Bihaća i spriječi ponovno povećanje broja napuštenih pasa i vraćanje istih na ulicu.

### **2. PRAVO UČEŠĆA**

Pravo učešća po ovom Javnom pozivu imaju udruženja registrirana za zaštitu i dobrobit životinja koja imaju sjedište, obavljaju djelatnost i implementiraju projekte na području grada Bihaća.

### **3. VRSTA PROJEKATA**

Sredstva se dodjeljuju za projekte u vrijednosti do 20.000 KM koji za cilj imaju:

- a) jačanje tehničkih kapaciteta Udruženja,
- b) izgradnju skloništa za životinje,
- c) promociju i jačanje svijesti građana o zaštiti i dobrobiti životinja.

### **4. DOKAZI O ISPUNJAVANJU USLOVA**

Udruženja prijavitelji na javni poziv su dužna dostaviti sljedeću dokumentaciju kako bi dokazala ispunjavanje uslova:

- a) Rješenje o upisu u registar neprofitnih organizacija kod Ministarstva pravosuđa i uprave Unsko-sanskog kantona iz kojeg je vidljivo sjedište udruženja na području Bihaća i djelatnost usmjerena za zaštitu i dobrobit životinja i Izvod iz Registra neprofitnih organizacija (original ili ovjerena kopija originala koja mora biti ovjerena od strane nadležnog organa i ne starija od 3 mjeseca od dana objave javnog poziva).
- b) Uvjerenje o poreznoj registraciji, odnosno ID broj, koje izdaje Porezna uprava F BiH Kantonalni



ured Bihać - dostavlja se ovjerena kopija originala koja mora biti ovjerena od strane nadležnog organa, a datum ovjere kopije ne smije biti stariji od 3 mjeseca od dana objave javnog poziva,

- c) Karton deponovanih potpisa iz banke osoba odgovornih za financije - dostavlja se u ovjerenoj kopiji originala koja mora biti ovjerena od strane nadležnog organa, a datum ovjere kopije ne smije biti stariji od 3 mjeseca od dana objave javnog poziva.
- d) Bilans stanja i bilans uspjeha za prethodnu kalendarsku godinu, ili početni bilans ako je udruženje počelo sa radom tekuće godine - dostavlja se u ovjerenoj kopiji originala koja mora biti ovjerena od strane nadležnog organa, a datum ovjere kopije ne smije biti stariji od 3 mjeseca od dana objave javnog poziva.
- e) Godišnji narativni izvještaj za prethodnu godinu.
- f) Predračun ili ponudu za svaku stavku nabavki iz Budžeta projekta koja je u iznosu većem od 500,00 KM. Predračun ili ponuda ne može biti urađen od strane samog udruženja.

## 5. FORMALNO-PRAVNI NEDOSTACI

Neće se uzeti u dalje razmatranje prijave prijavitelja dostavljene po javnom pozivu:

- a) koje su neblagovremene (dostavljene nakon proteka roka određenog javnim pozivom),
- b) koje ne sadrže kompletnu dokumentaciju koja se traži javnim pozivom,
- c) koje projektni prijedlog ne dostave u zatvorenoj koverti sa nalijepljenom naznakom na koverti „Prijava na javni poziv - NE OTVARAJ“,
- d) koji ne dostave projekat ovjeren i potpisan od strane podnosioca, i to na propisanom obrascu koji se može preuzeti sa web-stranice Grada Bihaća ([www.bihac.org](http://www.bihac.org)),
- e) kojom se vrši dodjela podgrantova, odnosno dodjela novčanih sredstava drugim pravnim i fizičkim licima,
- f) koji dostave projekte usmjerene na oblasti suprotno onim koje su određene u javnom pozivu,
- g) čija ponuda ili predračun bude urađen od strane „samog prijavitelja“ za robe i usluge koje su definirane kroz budžet projektnog prijedloga,
- h) koji planiraju troškove vlastitih ljudskih resursa za implementaciju projekta iz sredstava Grada Bihaća koji su predmet javnog poziva,
- i) koji su prethodnih godina dobili sredstva od Grada Bihaća, a nisu ispunili obavezu pravdanja i izvještavanja,
- j) čiji su projekti i aktivnosti napravljeni samo u korist članova Udruženja,
- k) projektni prijedlozi čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) prelaze 20% ukupnog budžeta projekta,
- l) koji dostave dva ili više projektnih prijedloga,
- m) za već završene projekte/aktivnosti.





## **6. OBJAVLJIVANJE JAVNOG POZIVA**

Javni poziv za dodjelu sredstava objavljuje se najmanje na web-stranici Grada Bihaća ([www.bihac.org](http://www.bihac.org)) i ostaje otvoren 15 dana.

Rezultati Javnog poziva također će biti objavljeni na službenoj web stranici Grada Bihaća.

## **7. NAČIN IZBORA PROJEKATA I BODOVANJE**

Komisiju za razmatranje i ocjenu primljenih projekata imenovat će gradonačelnik Grada Bihaća, posebnim rješenjem, sa zadatkom da na osnovu objavljenog Javnog poziva, izvrši selekciju i ocjenu primljenih projekata.

Komisija prvo vrši formalno-pravnu provjeru pristiglih projekata, te za one koji su iste zadovoljili pristupa bodovanju.

Bodovanje projekata Komisija vrši na osnovu slijedećih kriterija:

- a) Operativni kapaciteti maksimalno do 15 bodova.
- b) Relevantnost maksimalno do 20 bodova.
- c) Metodologija maksimalno do 15 bodova.
- d) Održivost maksimalno do 15 bodova.
- e) budžet i isplativost maksimalno do 15 bodova.
- f) sufinansiranje projekta maksimalno do 5 bodova.

Za svaki kriterij pojedinačno se dodjeljuje od 0, 1, 3 ili 5 bodova po projektnom prijedlogu. Svaki član Komisije za evaluaciju pojedinačno ocjenjuje svaku prijavu, a konačna ocjena je prosječna ocjena koja se dobija dijeljenjem zbira ocjena za svaki kriterij sva tri člana Komisije sa brojem 3. Da bi stekli pravo na financiranje projektni prijedlozi moraju ostvariti minimalno 50 ukupnih bodova.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od prijavitelja.

Detaljne tablice bodovanja su sastavni dio su Pravilnika o sufinansiranju pravnih lica koja su registrirana za zaštitu i dobrobit životinja („Službeni glasnik Grada Bihaća“, broj: 02/22).

## **8. NAČIN OBAVJEŠTAVANJA O REZULTATIMA JAVNOG POZIVA**

Prijavitelji koje ne ispunjavaju formalno-pravne uslove, zatim prijavitelji čiji su projektni prijedlozi dobili manje od 50 bodova i ne nalaze se na predloženoj listi uspješnih projekata za sufinansiranje, bit će o tome pisano obaviješteni od strane Komisije uz navođenje razloga za odbijanje.

## **9. PRAĆENJE I IZVJEŠTAVANJE**

Korisnici sredstava dužni su Izvještaj o namjenskom utrošku sredstava dostaviti Gradu u roku od 15 dana od dana realizacije projekta.

